

۱۳۲. ◻◻)◻۶ ~~~~~

صاحب و مدیر مسئول : ع . اشرف ادیب

عدد ۳۸ - ۲۲۰ ۱۹ ذی الحجه ۱۳۳۰ پنجشنبه ۱۵ نشرین ثانی ۱۳۲۸ جلد ۲ - ۹

اسلاملر دار اغاچلرنده

ماتن غزته سنك مصطفی پاشا مخبری ۱۷ تشرین ثانی تاریخیه یازیور :

... اوکله دن صکره ساعت ایکی راده لرنده دیوان حرب اعضاسیله یکریمی قدر زاندارمه نفری ، اطراف خانه لری خلقی و حرب مخبر - لری بوش قالان بر اسلام خانه سنك باغچه سنده طوبیلا ندیلر . بر دقیقه ظرفده اییلری اغاچك اك صاعلام دالدرینه باغلابوب اسکمه برینه محکوملرک آیاقلری آلتنه اسکي فوجیلر قوبدیلر ، اگر اوفوجیلر ایله بر آز اوتنده تهی بر خانه دن بولدقلری ایپ بولنسه ایدی باغچه ده بولنلرک اعدام ایچون حاضرلق کورمکده اولدقلری کیمسه فکرندن کچیرمیه چکدی . هوا غایت کوزل ایدی ، صوك بهار کونشی بیاض شماعاتی ایله اطراف طاغلری تنور ایدوب بو فوجیع و جانخراش منظره یه یوقارودن ، پك یوکسکدن تماشا کر اولیور ایدی . محل مذکور دن یوز مترو اوتنده بیوک برجامك بیاض منساره سی هوانك مائی طبقه لری ایچنده هیبتنا اولیوردی . مناره نك اوزرندن بلغار عسکری ، بیاض البسه لی صلیب احمر جمعیتی اعضاسی ، بلغار قیزلری بومنظره نی تماشا ایدیورلر ، آشاغیده تجمع ایدن خلق محاربه دن ایلروده جریان ایده چك مکالمه سیاسیهدن بحث ایدوب بو فوجیع منظره نی نظر دقته آلمق بيله ایسته میورلردی . پولیس قومیسری دار آغاچنه صوك بر نظر تفتیش عطف ایتدی وهرشیک حاضر اولدیقی کورمک زاندار - مه لره خانه ده موقوف اولان محکومینک میسدان سیاسته کتیریلرلری امرینی ویردی . برمدت صکره احمدواسماعیلی اوزاقدن کوردم ، فصل اعدامه محکوم اولانلر بولنریدر ؟ بسبتون لاقید بولنان ، تیرمه یه ، جزئی بر اثر هیجان و خلجان کوسترمیان بو آدملرک اعدامه محکوم اولدقلرینه ، بر آز صکره دار آغاچنه چیه جقلرینه اینانق قابلی ؟ . احمد ایپك صالانمقده اولدینی آغاچه لاقید بر نظر عطف ایتدکن صکره پارلاق کوزلرینی بزه کوبستردی ، هیجاندن عاری اولان بو قلبک وطن محبتی ایله مشحون اولدینی آشکاردی . بو کوزلرک بر آز صکره ابدیاً قاپاچه قغه بر دلو اینانق ایسته میوردم ، اولرده حیات واردر ، بکا اوله کلیورکه غریب ونا کهظهور برحادثه حکم اعدامک انفازینه مانع اوله جقدی . ایکی دقیقه اول زاندارمه لرك حکم اعدامی تبلیغ ایتدکلری زمان احمد واسماعیل یمکلرینی هنوز بیتمشلرایدی . هیچ بر هیجان و خلجان حس ایتدیلر ، هیچ بر سوز سویله مکسزین سیالرنده علائم تلاش کوسترمه دن درحال آیانه قالفه رق کلیچه لری اولماق ایچون اللرینی آرقه لرینه کوتوردیلر ، شمدی آغاچه طوغری کلیورلر . یولده تجمع ایدن جمع غفیر آرمهنده کندی یوللرینی بالذات آچدقلرینی کوردیکم زمان قلبدن مدھش بر تاتر حس ایتدم . قانوناً اعدام قرارنامه سنك دیوان حرب طرفندن تعیین ایدیلن مأمور مخصوصک اوقومسی الحجاب ایدر . اعدامنامه آلتی بیوک صحیفه دن عبارت اولوب قرائتی یکریمی دقیقه قدر دوام ایتدی . بو ائشاده بن متصل اختیار احمدک یوزینه باقرق بر اثر هیجان آرامنه غیرت

بویله اولورسه نصرت الهیهدن قطعاً امید وار اوله بیلیرز . زیرا « ان تنصروا الله ينصركم » اگر سنز الله نصرت ایدرسه کز ، اوده سنزه نصرت بخش ایدر . « الله نصرت ؛ قرأی ، اسلامیتی مدافعه ایچون حیاتی ، مالی ، بتون موجودیتی فدا ایتمکدر . هرکس جانی فدا ایتسه بتون امت حیاتی قازانیر . اونك ایچون علمای کرام قطعاً اھمال کوسترمه ملیدر . حکومتیمزک بوباده اتخاذا ایتدیکی تدابیر ؛ ان شاء الله یقینده حسن تأثیرینی کوسترمه چکدر . « وما النصر الا من عند الله العزيز الحكيم »

شہامت اسلامیہ

موطده کی وطنپوران امت طرفندن جریدہ مزہ آئیدہ کی تلغراف چکیلشد :

سبیل الرشاد غزته معتبرہ

« قائمز ، دینمز ، ایمانمز واردر . سبیل الرشاد اصحاب ایمانی دعوت ایدیور . قضا مندن موقع حربہ کیدن هنوز یوزده بر راده سنده در . له الحمد علل وامراضدن سالمز . ایلك اشارتده حرکتہ آمادہ یز . جوا - بکزی تلغرافخانه ده بکله یوزز . ۴ تشرین ثانی ۳۲۸

اشرافدن بلدیہ رئیس متینغ رئیس مفتی یعقوب ، عبدالرحمن ، علی ، امین سلیمان نادر احمد

سبیل الرشاد آیدر کی تلغرافی جواباً کشیدہ ایتشد :

شہامت اسلامیہ کزلہ روح پیغمبر شاداندر . احکام اسلامیہ نی تبلیغ ، حکومتک وامرینه انقیاد ، وظیفہ مزدر . ۵ تشرین ثانی ۳۲۸

سبیل الرشاد

دوندہ طاش اوچندن شو تلغرافی آلدق :

درسعادتده سبیل الرشاد غزته معتبرہ سنہ

لوامنز داخلندن دخی عسکر کیتامش کیدر . حکومتیمزک هر امرینه آمادہ بولندیغمزی دینمز ، ایمانمزله عهد و میثاق ایتدک له الحمد علل وامراضدن سالمز . جوابکزه ماکنه باشندہ منتظرز .

قونیه : طاش اوچی ۱۳۰ تشرین ثانی ۳۲۸ اھالی محلیہ نامنه حاجی محمد

سبیل الرشاد

بو محترم امضا صاحبی یقیندن طانیدیغمز ایچین تلغرافنامه سندن نه قدر متحسس ومتأثر اولدیغمزی تمریف ایدمه یز . اولیسی هفته حنین غزوہ جاییله سی اوزرینه یازدیغمز مقالہ نك - لطف حق ایله - تأثیر بلیغی بوتون آناطولی اھالی اسلامیہ سی طرفندن متینغلر عقد اولونمق ، اداره خانه مزہ آتشین تلغرافلر کشیدہ ایدلک صورتیله ابراز ایتدیکنی کورمکله اشک ریز شکران و محمدت اولدق . بز شو حقیقت علویہ نی آکلادق کہ : الله ورسول الله اوغرنده مال وجانی کوله کوله فدائی جانہ منت بیلن بویله ملیونلرجه اولاد محمدی وارکن خلافت مقدسہ اسلامیہ بوتون شمشعہ شوکت واجلالیله یاشایه جق . قیامتہ قدر یاشایاجق . اللهم کثر عددهم وعجل مددهم لدینک وکتابک آمین !

ایدیور ایدم، بو آدم، بو دینج اختیار عمرنده قورقوش ایتمه مش اولدینی کبی شوخیع اولوم قارشوسنده دخی هیج تیرمه یور، قورقور، هیجان کوسترمیور، بو درجه متانت وجسارته تصادف ایتدیکی اعتراف ایدرم .. محکوملر اعدامنامه دن هیج بر شی اکلایه مدیلر، اولر متصل اطرافه باقوب خلقك هیجانی، تلاشی سیر ایدرك موتی استحقار ایتدکارینی آچیقدن آچیغه کوسترمك ایستدیورلر ایدی . نهایت اعدامنامه نك قرائتی ختام بولدی . او ائنده احمد دیوان حرب اعضاسنه خطاباً متین بر صدا ایله « ولزدن اول هیج اولمزه صوك نمازمنی قیلغه مساعده ایتمه کزی استرحام ایدرم » دیدی .

قومیسر جواباً « نه ایستیورسه کز سوبله یکز، مع الممنونیه قبول ایده جکم » دیرك لارینی چوزمه که امر ویردی . او ائنده غایت مؤثر بر منظره قارشوسنده بولندم . عمرمه بویه بر منظره تصادف ایتدم والی نهایت بونك تأثیری باقی قاله جقد . اسماعیل بر آزار اوتوده اندیشناك بر حالده طورمش ایکن اختیار احمد دار آغاجنه یاقلاشهرق یری ایجه تدقیق ایدوب آغاج بارچه لرینی، طوزلری یرطرفه آتدی، اوتلری یردن قوباردی، بو حرکتی فوق العاده غریب اولوب یانمه بولنان بر اوروبالی بکا خطاباً : « عمرمه بویه منظره تصادف ایتمه مش ایدم، بو اختیار نی بهت وحیرته بر اقدی » دیدی . اختیار محکومك شو حرکتی کورنلر عادی بر شینله مشغول اولدیغه ذاهب اوله جقلردی، کویا باغچه ده چالشوب شمیدی اوکله نمازینی قیلغه حاضرلق کوریوردی . بو حاضرلقلری کوردکن صکره اختیار، ژاندارمه لره خطاباً :

— آبدست آلق ایچون بکا براز صو ویریمسکز؟ دیدی .

ژاندارمه لردن بری صو کتیرمه که کیتدیکی زمان احمد تکرار نماز کاهنی تدقیق ایدرك یکیدن آغاج دالترینی طویلامغه، اوتلری قوبارمغه باشلادی . بش دقیقه صکره ژاندارمه بر قوغه صو کتیردی . احمد هیج بر اثر تلاش کوسترمکسزین یوزینی، آیقلرینی، اللرینی دقتله بیقادی، آغزینی چالقالادی وکندی الی ایله قوغه نی ژاندارمه یه اعاده ایتدکن صکره نماز کاهنه عودت ایتدی، بودقیقه پک علوی، پک مؤثر بودقیقه ایدی . اختیارك بو حرکتی، متین وضعیتی کوره رك هیجان و تعجبی ستر ایده میوردم . نه مقدس، نه علوی بر منظره .. ایشته اختیار تکرار یری تمیزلوردی، بتون نظارلر اوکا معطوفدی، باغچه ده عمیق بر سکونت حکمفرما اولوب تماشا کران نفس بیله آلق ایسته میوردی . احمد دیز چو کر، یری اوپر، بعده اللرینی یایه رق آیاغه قالقار، تکرار زمین نیازه زانوزده اولور، ینه آیاغه قالقار . دوداقلری آره سنده صوك دعای ایدیوردی . برقچ مترو اوزاقده عینی منظره حکمفرما در، اسماعیل ده خلقك حیرت و تعجبی قارشوسنده صوك نمازینی قیایوردی . بو منظره بکرمی دقیقه قدر دوام ایتدی . اوزاقده، ادرنه اطرافنده وقت وقت آتیلان طوپلرک کورولتیمی هوانك الك یوکسك طبقه لرینی ایکنه تیور . احمد نماز قیلدقن صکره ژاندارمه لره خطاباً :

— شمیدی حاضریم، دیدی .

بعده قوشاغنك ایچنده برکوش ساعت، بر قورشون قلم، بر توتون طبقه سی ودها سائر شیلر چیقارهرق ژاندارمه یه تسلیم ایتدکن صکره،

— هایدی آرتق وقت قالمادی، بن حاضریم، دیدی .

فقط اسماعیل هنوز نمازینی بیتیرمه مش اولدینی ایچون بر آزار بکله مکه مجبور اولدیلر . برقچ دقیقه صکره احمدده حاضر ایدی . ژاندارمه لر در حال محکوملری بیاض بزلره صاردیلر، یوزباشی خلقاً خطاباً :

— هایدی کیده لم، شمیدی حکم اعدام اجرا ایدیله جك دیدی . خلق در حال بر طرفه هجوم ایتدیلر . ژاندارمه آغاجدن آسیلان ایی اختیار احمدك بویته کچیردی . دیگر بر نفرده اسماعیلک بویته باغلادی، بر دقیقه صوکره محکوملرک آیقلری آلتنده بولنان فوجیلری بر تکه ایله اوتیه یووارلاریلر .

هیات ! شمیدی ایکی وجود بوشاقده صاللا نیوردی !

سبیل الرشاد

بتون بلغارستانی خاک ایله یکسان ایتک صورتیله بو وحشتلرک انتقامنی آلامدجه قینه صوقولان اسلام قیلجینه یازقلر اولسون ! دونکی غایدا جیلره قارشو مغلوب اولدقن صوکره بردها اونی بلده طاشیمقدن اوتانمالی، اونکله برابر یرلره کومولمادی .

هنرمستانه مخبر مختصر صمزدنه :

هندیولنده

عراقك احیا و اصلاحی حقنده

— ۳ —

۴ — مرکزده تشکیل اولنه حق نمونه چفتلکی دیگر مراکزده کی نمونه چفتلکلرندن دها واسع وهیج اولمازسه ۱۰-۱۵ بیک دونم وسعتنده اولمی و طرز جدید اوزره بخارلی متحرک فاوولر، حراثت ماکنه لرله سائر ماکنه والات مهمه زراعیه نك جاب و تطبیقی .

۵ — خطه عراقیده صور مختلفه ده ایفا ایدیله کلکده اولان اصول جبات اوقدر عظیم و مشکل، اوقدر آغردر که بوسبیله زراعت کوندن کونه تدنی و انحطاط، بلکه انقراضه طوغری کتیکده وامور و معاملات حکومتی تزید و اشکال ایتیکده اولدینندن همه حال بو محاذیرک دفعی ایچون بتون بو معاملاتق توجید ایله بر قاعده منتظمه تحت آلق عراقك المؤثر مواد حیاتیه سندن بریدر . بونك ایچون بر صورت سریعه ده « قاداترو » یعنی اراضینك، مساحه سی اوزرینه مقطوع بر رسم وضع ایتک ایجاب ایدر . بو کونکی اصول ایله یاپیلان جبات ظاهراً عشر و خمس وثلاث ایهده حقیقت حالده زراعت حاصلات صافیه نك همان یوزده یتش راده سنده اولدینی ادنی بر تدقیق نتیجه سنده اکلاشیلور . حالوکه اراضینك قریت و بعدیت وقوه انباتیه سنی و سائر خواص حکمیه و کمیویه و فسیولوژیه سنی نظر اعتباره آله رق مقطوع بر رسمه تابع طوتیلورسه هر نه قدر معین